

**DEXP**

**ПАЙДАЛАНУШЫ НҰСҚАУЛЫҒЫ**

# Электр пеші

## DEXP VN-3000 HP

### Құрметті сатып алушы!

Сізге «DEXP» сауда маркасымен шығарылатын өнімді таңдағаныңыз үшін алғыс білдіреміз.

Сізге сапаға, функционалдыққа және дизайнға қойылатын жоғары талаптарға сәйкес әзірленген және жасап шығарылған бұйымдар мен құрылғыларды ұсынуға қуаныштымыз. Пайдалануды бастар алдында Сіздің қауіпсіздігіңізге қатысты маңызды ақпарат, сондай-ақ өнімді дұрыс пайдалану және оған күтім жасау бойынша ұсыныстар қамтылған осы нұсқаулықты мұқият оқып шығыңыз. Осы Нұсқаулықты сақтап қойыңыз және оны бұйымды әрі қарай пайдалану барысында анықтамалық материал ретінде пайдаланыңыз.

Электр пеші — бұл тамақ дайындауға арналған жылыту құрылғысы.

### Сақтық шаралары


- Құрылғыны қосудың алдында онда көрсетілген кернеудің жерге тұйықталуы бар жергілікті электр желісінің кернеуіне сәйкес келетіндігіне көз жеткізіңіз.
- Ыстық заттар мен тағамдарды ұстамаңыз. Ыстыққа төзімді қолғапты немесе ұстағышты қолданыңыз.
- Құрылғыны балалардың жанында қолданғанда мұқият болыңыз.
- Электр тоғымен зақымдануға жол бермеу үшін құрылғыны, сымды, ашаны суға немесе басқа сұйықтықтарға батырмаңыз.
- Қуат сымы беткейдің (мысалы, үстелдің) шетінде ілініп тұрмайтынын қадағалаңыз. Сымның ыстық беттерге немесе өткір жиектерге тимейтініне көз жеткізіңіз.
- Егер ақаулық орын алса немесе сым зақымданған болса, құрылғыны пайдаланбаңыз.
- Құрылғыны өзіңіз жөндеуге тырыспаңыз. Егер құрылғының дұрыс жұмыс істемейтінін байқасаңыз, оны пайдалануды дереу тоқтатыңыз және авторизацияланған сервистік орталыққа жүгініңіз. Біліктілігі жоқ адам жүргізетін жөндеу пайдаланушы үшін өте қауіпті жағдайларға әкелуі мүмкін.
- Құрылғыны жылу көздеріне (жылытқыштарға, радиаторларға және т.б.-ға), ыстық беттерге (электр немесе газ плиталарына) жақын қоймаңыз.
- Құрылғыны қолданған кезде ауаның дұрыс айналымы үшін кемінде 10 см және құрылғының үстінде 30 см бос орын қалдырыңыз.
- Бұл құрылғыны пайдаланбаған кезде және тазаламас бұрын оны электр желісінен ажыратыңыз.

- Құрылғыны орнату және шешіп алу немесе тазалау алдында құрылғыны суытыңыз.
- Құрылғыны қуат көзінен ажыратқан кезде, қолыңызбен қуат сымынан емес, ашадан ұстап тартыңыз.
- Науаны, торды тасымалдағанда, алып тастағанда немесе ыстық май мен басқа да ыстық сұйықтықтарды төккенде ерекше сақ болыңыз.
- Жұмыс істеп тұрған құрылғыны қараусыз қалдырмаңыз.
- Қызып кетпес үшін пештің кез келген бөлігін металл фольгамен жаппаңыз.
- Құрылғының бетін тазалау үшін металл ысқыштарды пайдалануға тыйым салынады, олар тығыздағыштарды зақымдауы және электр тогымен зақымдану қаупін тудыруы мүмкін.
- Олардың қауіпсіздігіне жауапты басқа адамдар бақылауды жүзеге асыратын жағдайларды қоспағанда, құрылғы балалардың және физикалық, сенсорлық немесе ақыл-ой қабілеттері шектеулі тұлғалардың пайдалануына арналмаған. Балалардың аспаппен ойнамауын қадағалау керек.
- Қосылған құрылғыны жанғыш заттар мен материалдардан алыс ұстаңыз.
- Пешке келесі материалдарды салмаңыз: картон, пластик, қағаз және т.б.
- Пеште өндіруші ұсынбаған заттарды немесе керек-жарақтарды сақтамаңыз.
- Ыстық пешке заттарды салу немесе алу кезінде әрдайым ыстыққа төзімді қолғап киіңіз.
- Құрылғыны осы нұсқаулықта сипатталғаннан басқа мақсаттарда пайдаланбаңыз.
- Құрылғы тек үйде пайдалануға арналған.

## Техникалық сипаттамалары

- Үлгісі: VN-3000 HP.
- Көлемі: 30 л.
- Электр қуаты: АС 220-240 В, 50 Гц.
- Пештің қуаты: 1600 Вт.
- Оттықтардың қуаты: 1000 Вт + 700 Вт.
- Таймер: дыбыстық сигналмен 60 минут.
- Температураны реттеу: 100 °С-ден 250 °С-ге дейін.
- Тот баспайтын болаттан жасалған қыздыру элементтері: 4 дана.
- 4 сатылы қыздыруды ажыратып-қосқыш: өшіру / үсті / асты / үсті + асты.
- Аксессуарлар: қаңылтыр таба (1 дана), тор (1 дана), қаңылтыр табаны ұстағыш (1 дана).
- Қолдану саласы: тұрмыстық.


## Құрылғы схемасы



1. Индикатор шамы.
2. Уақытты реттегіш.
3. Пешті басқару реттегіші.
4. Температураны реттегіш.
5. Оттықты басқару реттегіші.
6. Үлкен және кіші оттықтар.
7. Есіктің тұтқасы.
8. Тор.
9. Қаңылтыр таба.
10. Қаңылтыр таба ұстағышы.
11. Қыздыру элементі (жоғарғы және төменгі).
12. Есіктің төменгі жақтауы.

## Уақытты реттегіш және шам

- Уақытты реттегіш орнатылған кезде шам жанады.
- Егер уақытты реттегіш орнатылмаған болса, шам жанбайды.




## Пайдалану жөніндегі нұсқаулық


### Электр пешті бірінші рет пайдалану алдында

- Барлық керек-жарақтарды жұмсақ жуғыш құралмен жуыңыз және таза сумен шайыңыз.
- Барлық керек-жарақтарды мұқият құрғатыңыз және оларды пешке салыңыз.
- Пешті максималды температураны орнатып, 15 минут бойы қыздырыңыз. Бұл бөгде иістерді кетіруге мүмкіндік береді.




## Пеште пісіру

1. Пештің торын қажетті деңгейге қойыңыз.
2. Тағамды қаңылтыр табаға салыңыз. Егер сіз қаңылтыр табаны қолданғыңыз келсе, торды қоюдың қажеті жоқ, себебі қаңылтыр таба пештегі бағыттағыштарда ұсталынады.
3. Уақытты реттегішті қажетті дайындау уақытына орнатыңыз.
4. Пештің басқару реттегішін «» қалпына бұраңыз.
5. Температураны реттегішті қажетті температураға орнатыңыз.
6. Пісіруді аяқтағаннан кейін уақытты реттегішті «0» қалпына бұрап, пешті өшіріңіз.

## Торда қуыру

1. Торды қаңылтыр табаққа орнатыңыз.
2. Азық-түліктерді торға қойыңыз да, пештің жоғарғы жағына орнатыңыз. Тағамды мүмкіндігінше үстіңгі қыздыру элементіне неғұрлым жақын қою керек (тамақ пен жоғарғы қыздыру элементінің арасына кемінде 2 см қалдырыңыз).
3. Пештің басқару реттегішін «» қалпына орнатыңыз.
4. Температураны реттегішті қажетті температураға орнатыңыз.
5. Уақытты реттегішті қажетті дайындау уақытына орнатыңыз.
6. Пісіруді аяқтағаннан кейін уақытты реттегішті «0» қалпына бұрап, пешті өшіріңіз.

## Оттықты басқару реттегіші

- Оттықтарды пайдалану үшін уақытты реттегішті қажетті күйге орнатыңыз. Уақытты реттегішті «0» күйіне оралғанда, оттықтар автоматты түрде сөнеді.
- Үлкен оттықты қосу үшін оттықтарды басқару реттегішін «» қалпына орнатыңыз.
- Кішкене оттықты қосу үшін оттықтарды басқару реттегішін «» қалпына орнатыңыз.
- Оттықтардың екеуін де қосу үшін оттықтарды басқару реттегішін «» қалпына орнатыңыз.
- Пісіруді аяқтағаннан кейін уақытты реттегішті «0» қалпына бұрап, пешті өшіріңіз.

## Қызмет көрсету және күтім

- Құрылғыны тазаламас бұрын, оның электр желісінен ажыратылғанына көз жеткізіп, суығанша күтіңіз.
- Майланудан және жағымсыз иістерден аулақ болу үшін құрылғыны әрбір пайдаланудан кейін тазалаңыз.
- Құрылғыны суға батырмаңыз немесе ағынды сумен шаймаңыз.
- Тор мен қаңылтыр табаны кәдімгі ыдыс-аяқтар сияқты жуғыш құралмен және дымқыл ысқышпен жууға болады.
- Құрылғының ішін дымқыл ысқышпен сүртіп, қағаз немесе шүберек сүлгімен құрғатуға болады.
- Абразивті материалдарды, металл ысқыштарды пайдаланбаңыз немесе пештің үстіңгі жағы мен керек-жарақтарын қырып тазаламаңыз, себебі бұл құрылғының жабынына зиян келтіреді және оның қызмет ету мерзімін азайтады.
- Құрылғының сыртқы беттерін дымқыл ысқышпен сүртіңіз.
- Құрылғыны желіге қоспас бұрын, оның барлық бөліктері мен беттерінің құрғақ екендігіне көз жеткізіңіз.

# Монтаждау, сақтау, тасу (тасымалдау), сату және кәдеге жарату ережелері мен шарттары

- Құрылғы қандай да болмасын монтаждауды немесе тұрақты бекітуді қажет етпейді.
- Құрылғыны қаптамада, өндірушінің және тұтынушының жылытылатын үй-жайларында ауаның 5 °С және 40 °С аралығындағы температурасында және ауаның 80%-дан аспайтын салыстырмалы ылғалдылығында сақтау керек. Үй-жайларда коррозия тудыратын агрессивті қоспалар (қышқыл булары, сілтілер) болмауы тиіс.
- Құрылғы ұқыпты пайдалануды талап етеді, оны шаңның, ластың, соққылардың, ылғалдың, оттың және т.б. әсерінен қорғаңыз.
- Құрылғының тасымалдануы құрғақ ортада жүзеге асырылуы тиіс.
- Құрылғыны сату ҚР қолданыстағы заңнамасына сәйкес жүргізілуі тиіс.
- Осы бұйымның кәдеге жаратылуы қалдықтарды өңдеу бойынша жергілікті нормалар мен ережелерге сәйкес жүзеге асырылуы тиіс. Осы өнімнің кәдеге дұрыс жаратылуын қамтамасыз ете отырып, Сіз қоршаған ортаға және адам денсаулығына қалдықтардың бақыланбайтын шығарылуының нәтижесінде әлеуетті зиян келтірудің алдын алуға және материалдық ресурстарды ұтымды пайдалануға көмектесесіз. Осы өнімді қабылдайтын пункттер мен оны кәдеге жарату туралы толығырақ ақпаратты жергілікті муниципалдық органдарда немесе тұрмыстық қоқысты шығару бойынша кәсіпорында алуға болады.
- Құрылғының ақаулығы анықталғанда дереу авторизацияланған сервистік орталыққа жүгіну немесе құрылғыны кәдеге жарату қажет.

## Қосымша ақпарат

**Өндіруші:** Фошань О-Макс Электрик Эпплайенс Ко., Лтд.

№6 Наньлан өнеркәсіптік ауданы 2, Синтань, Шуньдэ, Фошань қ., Гуандун пров., Қытай. Қытайда жасалған.

**Импортер / юр.лицо, принимающее претензии в Казахстане:**

ТОО «DNS KAZAKHSTAN» г. Нұр-Сұлтан, пр. Сарыарка, дом 12, офис 301С, Казахстан.

**Импорттаушы / Қазақстан шағымдар қабылдайтын заңды тұлға:**

«DNS KAZAKHSTAN» ЖШС, Нұр-Сұлтан қ., Сарыарқа даңғ., 12-үй, 301С-кеңсе, Қазақстан.

Тауар Кеден одағының техникалық регламентінің талаптарына сәйкес келеді:

- «Техникалық құралдардың электромагниттік үйлесімділігі» КО ТР 020/2011;
- «Төмен вольтты жабдықтардың қауіпсіздігі туралы» КО ТР 004/2011.

Тауар Еуразиялық экономикалық одақтың ЕАЭО ТР 037/2016 «Электротехника және радиоэлектроника бұйымдарында қауіпті заттарды қолдануды шектеу туралы» техникалық регламентінің талаптарына сәйкес келеді.

Бұйымның сыртқы көрінісі және оның сипаттамалары алдын ала ескертусіз өзгерістерге ұшыратылуы мүмкін.

Құрылғының жиынтықтамасы алдын ала ескертусіз өзгертілуі мүмкін.

**Интернеттегі мекенжайы:**

[www.dexpr.club](http://www.dexpr.club)



Өндіріс күні пайдаланушы нұсқаулығының орыс тіліндегі нұсқасында көрсетілген.

V.1

# Кепілдік талоны

SN/IMEI: \_\_\_\_\_

Кепілдікке қойылған күні: \_\_\_\_\_

Өндіруші бүкіл кепілдік мерзімі ішінде құрылғының үздіксіз жұмыс істеуіне, сондай-ақ материалдар мен жинақтарда ақаулардың болмауына кепілдік береді. Кепілдік мерзімі бұйымды сатып алған сәттен бастап есептеледі және тек жаңа өнімдерге қолданылады.

Кепілдік қызмет көрсетуге пайдаланушы нұсқаулығына сәйкес бұйымды пайдалану шартымен кепілдік мерзімі ішінде тұтынушының кесірінен істен шықпаған элементтерді тегін жөндеу немесе ауыстыру кіреді. Элементтерді жөндеу немесе ауыстыру уәкілетті сервистік орталықтардың аумағында жүргізіледі.

Кепілдік мерзімі: 12 ай.  
Пайдалану мерзімі: 24 ай.

Сервистік орталықтардың өзекті тізімі келесі мекенжай бойынша:  
<https://www.dns-shop.ru/service-center/>



[www.dexp.club](http://www.dexp.club)